



## BLAKATY RĚKA

čo. 51

- a) blonděrowane włosy měć
- b) ćežko chory być
- c) mazane abo barbojte městna měć

Prawa je wotmołwa **c**.

*Štóž abo štož je blakate, ma mazane abo barbojte městna na sebi. Pos abo kruwa móžetej blakatej być. Tak mamy blakaty skót abo na př. tež blakaty tyfus. Jeli dóstanješ alergije dla abo z luteho rozbudženja čerwjene blaki na šiji, maš blakatu šiju.*

*Blakaty rub abo blakata drasta su mazane a dyrbjja so wupłokać.*

### Takle móžeš tež prajić:

- mazany, womazany, popluskany, popryskany, wopancany, nječisty
- z blečkami, šakaty

### Příklady z rěčneho korpusa:

Hodankec Fifi, tón mały čorno-šěry *blakaty* pos, bě přeco pola njeho był, a wot wóndanja je so zhubił. (Jan Warnar, Wajchtar trubi. Budyšin 1975)

Jeje ruce běštej wot barby cyle *blakatej*. (Serbske Nowiny 2007)

Puč z toho domu, hdžež steji w dworje baraka a w barace tři plećenske mašiny

a hdžež nan swoje snědanske jejo na *blakatym* rubje jě a hdžež mać asketisce knježi a sotra spjerawa so směje a hdžež so běly, chuduški suk wowki nad talerjami čumpa, horje, dele, horje, dele kaž na hermanku. (Marja Młynkowa, Powědančka a drobna proza. Budyšin 1994)